



Ingerlateqatigiiffiit akileraarutaannik appaaratarsinnaaneq pillugu apeqquteqaat aallaavigalugu oqallinnissamik siunnersuummut.

(Inatsisartunut ilaasortaq Jens Napätôk', Partii Naleraq)

Demokraatini inuiaqatigiinni uangutsinni siuariartortoqarnissaa ineriartortoqarnissaalu kissaatigaarput aamma isumaqarpugut suliffiutillit namminersortut ineriartortitsuussasut. Taamaattumillu suliffeqarfiit nukittuut pilersittariaqarpagut, aningaasaliinissaminnut periarfissaat pitsaaneruleqqullugit taamaasillutillu naammassisartagaat amerlillutik siuariartortitsilerniassammata suliffinnillu pilersitsiortorlutik.

Taamaaliornissamut aqutissaq pitsaanerpaaq tassaavoq suliffeqarfiit isertitamik sinniik amerlanerusunik tigummiinnartalernissaat. Tamannalu ajornannginnerpaamik anguneqassaaq ingerlateqatigiiffinnut akileraarummik appaanikkut. Tamatuma kinguneranik nunaqavissut suliffeqarfiutaat unammillersinnaanerulissapput nunat allamiut suliffeqarfiutaannut aamma kingunissaa alla tassaavoq, suliffeqarfiit aningaasaliinissaminnut akissaqarnerulernissaat, naammassisaqarnerusalertutik, suliffiillu amerlanerusut pilersillugit tamatumalu kingunereqqissavaa inuiaqatigiit isertitaqarnerulernissaat akileraarutinik. Tamatuma saniatigut inuiaqatigiit inunnet ikiorsiissutit sipaarfiggissavaat allalu naatsorsuutiginnngisamik iluanaarutissaq tassaavoq inuiaqatigiit nalingiinnerulernissaat inuit amerlanerit suliffeqalerpata.

Demokraatini siuariartornissamut siumukarnissamullu ingerlateqatigiiffiit akileraarutaasa appartinnissaa sakkussani pingaarnert ilaattut isigaarput aamma kialluunniit taama isumaqarnerput arajutsisimagunangilaa. Inimi maani arlalerarluta siunnersuutigisarnikuuarput ingerlateqatigiiffiit akileraarutaata appartinneqarnissaa aammami 2014-mi 2018-milu pingaartillugu qineqqussaarutingaarput ingerlateqatigiiffiit akileraarutaata appartinneqarnissaa.

Malugaarpout Naalakkersuisut akissuteqarnerminni ilaatigut oqaatigaat inuiaqatigiit iluanaarutaat ikileriassasut ingerlateqatigiiffiit akileraarutaat appartinneqassappat. Tamanna isumaqatigeqqinnaanngilarput. Isumaqarpugut Naalakkersuisut puigoraat savituumik pilernerup kingunissai pitsaasut aamma isumaqarpugut ingerlateqatigiiffiit akileraarutaat apparpat pilernerulissasoq suliffeqarfimmik aallartitsinissaaq tamatumalu kingunerissavaa akileraartartut amerlanerulernerat.

Taamatulli oqareerluta kissaatigaarput akileraartarnerup akitsuusersuisarnerullu pingaarnermik iluarsartuunneranut atatillugu ingerlateqatigiiffiit akileraarutaata appartinneqarnissaa isumaginninnikkut ikiorsiissutit isumaqatigiinniutigineqalerpara ilanngullugu isumaqatigiinniutigineqassasoq siunertaralugu sulinerup akilersinnaajuarnissaa. Iluarsartuussineq tamanna piaarnerpaamik aallartittariaqarpoq, inernerit 1. januaari 2020-mi atuutilerniassammata.

Taakkuupput oqallinnermut atatillugu Demokraatini maannakkuugallartoq oqaatigiumasagut.